

antzerkia

■ Donostia

- **L'Estaquirot Teatre** taldeak *Tse-Tse* antzezlan taularatuko du Groseko Txofre plazan 20:00etan.
- **Comediantes de Buenos Aires** taldeak *Orquesta de señoritas* antzezlan taularatuko du Antzoki Zaharrean 20:00etan eta 23:00etan.

■ Santzurtzi

- **Virtudes** ahizpek *Coge el ligero y corre* antzezlan taularatuko dute Serantes kultur aretoan 22:00etan.

dantza

■ Donostia

- **Nazioarteko Folklore** jaialdia. Euskadiko Eskola taldea izango da gaur Victoria Eugenia antzokian 20:00etan.

hitzaldiak

■ Bilbo

- **'Pakea Saharan'** hitzaldia eskainiko du Txomin Aurrekoetxeak La Bolsa Gizarte etxean 19:00etan. EGI gazte erakundeak antolatuturik.

erakusketak

■ Durango

- **Etkezaretza Jauregia.** Jesus Mari Arruabarrenaren 'Antzinako ogibideak galbidean' argazki erakusketa uztailaren 28ra bitartean.

■ Donostia

- **Koldo Mitxelena** kulturunea. Hannah Collinsen 'In the course of time' erakusketa irailaren 14era bitartean.

■ Gasteiz

- **Ur biltegi zaharra** (Las Escuelas kalea, z/g). Carlos Cordobaren eskulturak. Uztailaren 21era arte.

■ Iruñea

- **Arma Aretoa.** 'Ricas y famosas' erakusketa izango da uztailaren 28ra bitartean.
- **Monumento a los Caídos.** 'En el país del Río Zaire' arte afrikarraren erakusketa urriaren 29ra bitartean.
- **Gotorlekuko bolborategia.** 'I Bienal de Escultura Ciudad de Pamplona' erakusketa abuztuaren 25era bitartean.

■ Tolosa

- **Aranburu jauregia.** Juan Jose Akerretaren marrazkiak. Uztailaren 24ra arte.

■ Zarautz

- **Zazpi urte Galeria.** Luis Claramunten oleak. Bihar azken eguna.

lehiaketak

■ Arrasate

- **Gazteak eta Intsumisioa VII.** Argazki Lehiaketa antolatuko du Arrasateko Udalak. Gazteen artean argazki zaletasuna buktatzearaz gain, gazte askoren jarrera eta erreibindikazioa bultzatzeko asmoa du lehiaketak. Bi kategoria izango ditu. Lehenegoa Deba Garaiko 14 eta 18 urte bitarteko gazteentzat eta bigarrena 19 urtetik 39ra bitarteko edonorentzat. Zuri beltzean nahiz koloreetan egin daitezke argazkiak eta lan guztiak izenburu batez sinatu behar dira. Lanekin batera kartazal itxi batean, azalean izenburua eta kategoria ipiniz, eta barrualdean egilearen Nortasun Agiriaren fotokopia, helbidea eta telefono zenbakia sartu behar dira.

Fitxa Jaialdia: Nazioarteko Kaleko Antzerki Jaialdia. **Taldeak:** Scaramuche, Con Buen Pie, Visitants, Cachivache, Salitre, Ni Fu Ni Fa, Aittitta Txiki, Zurraspas, Theatre en Vol, Katakra Trup, Blues Thorpes. **Lekua:** Lekeition. **Eguna:** Uztailaren 12, 13 eta 14a.



Scaramouche talde euskalduna Nazioarteko Kale Antzerki jaialdian izan da

Hiru gau magiko Lekeition

BAI lagunok, hala da, joan den asteburuko hiru gauak magikoak izan dira Lekeition, iluntzeko zapletatik hasita titiritero, pilazo, malabarista, aktore eta antzerkizale orok hartuta zeudelako kaleak eta plazak, kaiak eta enparantzak, herriko txoko eta bazter guztiak.

Nazioarteko Kaleko Antzerki Jaialdia zabaltearen ohorea Scaramouche taldeari tokatu zitzaion, eta zinemari eginiko omenaldi bati ekin zioten *Cineman* ikuskizunean. Jarraian Con Buen Pie dantza taldea zetorren *Yubihelen* lanarekin, baina egia esaten badizuet, ni bertaratu nintzenerako Visitants talde valentziarra zegoen su eta gar lanean *Fam de foc* kalejiran, Lekeitioko kantoiak txinpartaz eta kez betetzen, eztanda zalapartatsuak, burrunba, bolbora usaina, suziriak, alaitasuna eta musika zituela lagun. Portuko plazara ailegatu zirenean areagotu egin ziren txinpartak eta korrikaldiak, eta gero, amaitzeko, taula gainean rock-kontzertu txiki bat eskaini ziren.

guten, bolbora neurri barik erretzen zuten bitartean.

Hurrengo txanda Madrilgo Cachivache taldearena zen euren *Pathe de gags* lan finarekin. Bertan zinema mutuko hainbat filme batzen dira piano musika zuzenean jotzen dutela, eta antzezle batek mimoa eginez aurkezten ditu filme ezberdinak, baina ez naiz ikuskizun honetaz gehiago luzatuko, zutabeon komentatu nuelako jada, Zornotzan egon zirenean. Lehen gaua amaitzeko Salitre taldea zegoen *Imagine* lanarekin, eta benetan aukera paregabea izan zen Josu Bilbaoren gaitasun komikoa ezagutzeko. Aktoreak lehen minututik bereganatu zituen ikusleak, baina zailtasun teknikoak ere lehen minututik hasi ziren. Harrigarria izan zen, ordea, zelan lortu zuen zailtasunetatik probetxu ateratzea, une orotan argi jakin zuelako oztopoak bideratzen ikuskizunaren onurarako. Horrela esplikatzeko da gaueko hiru eta erdiak zirela obra amaitu zenean, baina bertan geunden

guztiok, barrearen barrez, hurrengo ezbehar teknikoak eta hurrengo ateraldiaren zain.

Bigarren arratsaldean Ni Fu Ni Fa taldearekin hasi zen ume-teatro batekin, eta gero Aittitta Txiki hankapalu talde lekeitiarrak umeak zein nagusiak alaitu zituen kalejira batean euren gomazko munstroekin. Apur bat geroago Scaramouche taldearen bigarren txanda zen eta lau eszenatoki exotiko zituzten prest *Doctor Livingstone, supongo* muntaia handizale eta polita egiteko, baina lehen momentutik hasi ziren huts egiten mikrofono harigabeak eta, horren ondorioz, obra jarraitzeko posibilitateak murriztuta geratu ziren oso. Dena dela, muntalax bazeukan jatorrizko bekatu bat, eta zera zen: testuaren arintasun eza; guztiz ezegokia, ene ustez, kale antzerkirako. Bai bekatu mortala, ordea, Zurraspas familiarena! Frantziako talde honen ikuskizunak ez du beste komentariorik merezi: euren kalitate eta lotsa falta jaialdiaren salbuespen bakarra izan da eta denok —antolatzaileak barne— espero dugu hemendik ez bueltatzea. Eskerrak Sardiniako Theatre en Vol taldeari tokatu zitzaion gaua amaitzea, erakutsi zuten irudimenarekin eta batez ere atera zituzten tramankuluekin ezabatu baitzuten aurrekoek utzitako zapore txarra.

Eta azken gauaren atarian gaude dagoneko! Katakra Trup taldea ezaguna da gure artean Korrikaren jaialdian parte hartu duelako, eta aipatzekoa da benetan taldeak daraman goranzko ibilbide sendoa, bai malabareetan eta akrobazian, bai ume ikuskizunak josteko gaitasunean. Jaialdia ixteko rock-kontzertua izan genuen Blues Thorpesen hamar lagunak eskutik. *Rocka eta umorea* zekarren eskuprograman azalpen gisa eta nire baitan ez nuen ordurako gauza handirik espero, baina zorionez nire usteak guztiz kontrakoak suertatu ziren, zeren soul eta rock klasikoko hainbat kanta ezagun ederki jotzeaz gain, benetako umore ikuskizuna aurkeztu baitzuten musikarekin batera, eta barre-argara ugari zutuzten broma zorrotz eta lotsa bakoitzarekin —baina beti ere adimentsak—. Jarraitu horrela mutilok, umorea banatzen eta musika primeran jotzen! Eta urte askotan jarrai dezala Lekeitioko Jaialdiak ere, bihotzak alaitzen eta kale antzerkiari aukera duin bat ematen!

Agus Perez

■ Arrigorriaga

- **IX. Argazki Lehiaketa** antolatuko du Udalak. Nahi duten guztiek har dezakete parte. Gaia librea da, eta argazkiak zuri-beltzean edo koloreetan egin daitezke. Baina 40 x 50 zentimetroko euskarri gogorrean (kartulina esateko) ezarrita aurkeztu behar dira. Beste lehiaketa batean aurkeztutako lanek ez dute balio. Lanak Arrigorriagako kultur etxean (Urgoiti ibilbidea, 8) edo Abusuko kultur gelan (Olatxu, 3) aurkeztu behar dira, abenduaren 1a baino lehen.

■ Azkoitia

- **Bizenta Mogel Ipuin Lehiaketa.** Lehiaketa 18 urte urtetik gorakoentzat izango da. Euskaraz idatzitako lanak aurkeztu beharko dira. Lanek, orriaren alde batetik eta tarte biokitzez mekanografiatuak, gutxienez lau orri izango dituzte eta gehienez hamar orri. Lanak orijinalak eta inon argitaratu edo saritu gabeak izango dira. Udaletxera bidali behar dira, ezizen batez izenpeturik eta honekin batera bere azalean ezizen berbera daraman itxitako kartazal batean egilearen datu pertsonalak joango dira.

■ Donostia

- **Karlos Santamaria II.** Ikerketa Saria. Gi-

za zientzia, zientzia edo teknologia alorrean euskaraz idatzirik lanak aurkeztu ahal izango dira lehiaketara. Ikerketa lanetan edozein gai jorratu ahal izango da. Lanek orijinalak eta inoiz argitaratu gabeak izan behar dute. Ez dira onartuko itzulpenak, moldaketak edo beste lehiaketa batean aurkeztutako lanak. Gutxienez 50 orri izango ditu eta tarte birekin mekanografiaturik joango da. Lanak Donostiako Euskara Udal Patronatura bidali beharko dira 1996ko irailaren 22a baino lehen. Informazio gehiago bertan eskura daiteke.

■ Durango

- **Durango-Baque antolatuta Antzerki Gidoien III. saria.** Euskaraz zein gaztelaz idatz daitezke lanak. Gaia librea da. Irabazleak 500.000 pezeta irabaziko ditu, eta gainera, bere obra Geroa antzerki taldeak interpretatuko du. Lanak aurkezteko epea irailaren 3an amaituko da. Informazio gehiago 94-620 28 92 / 681 24 81 telefonoetan.

■ Errenteria

- **VIII. Komiki Lehiaketa.** Lehiaketa 16 eta 30 urte bitarteko gazteek har dezaket parte. Pertsonaiak jatorrizkoak eta argitaratu gabeak izango dira eta testuak euskaraz nahiz gaztelaz idatzitako izan dai-

tezke. 18x25 zm, bertikalean eta neurri horiek izango dituen formatuan aurkeztuko dira lanak.

ikastaroak

■ Irun

- **Zeramika ikastaroa** haurrentzat Zeramika Tailerrean (Pikoketa, 9). Abuztuaren 1etik 29ra izango da ikastaroa. 6 urtetik 14 urtera bitarteko gazteentzako ikastaroa da, eta 7.000 pezeta balio ditu matrikulak. Informazio gehiago jakin nahi izanez gero, Zeramika Tailerrera bertara edo Heziketa, Kultura, Kirol eta Gazteriaren sailera jo (Urdanibia plaza, Ospitale zaharra).

musika

■ Arrasate

- **Bud'i Balooxe.** Gaztetxean 20:00etan.

■ Bakio

- **Ispine Uribondo** pianojoleak kontzertua eskainiko du Andra Mari elizan 20:00etan.

■ Bilbo

- **Erramun Martikorena, Joxe Ripiau eta Titak** taldeak izango dira Santutxun 19:00etatik aurrera. Arkaitz Esti-

balles eta Iñaki Aurrekoetxea bertsolariak ere bertan izango dira.

- **Txontxo Ipiña** kantautorearen kontzertua izango da Consorcio aretoan 24:00etan.

■ Eibar

- **Rogelio Botanz** kantautorea Caserio tabernan 20:30etan.

■ Gasteiz

- **Carla Bley Big Band Phil Woods' Sax Machine** taldearen jazz kontzertua izango da Mendizorroza kiroldegian 21:30etan. Jazzaldiaren barruan.

■ Hondarribia

- **Akordioi garaikidea.** El Emperador Paradoreko aretoan 20:30etan.

zinema-bideoa

■ Donostia

- **'El demonio vestido de azul'** filmearen emanaldia izango da Intxaurrendoko Gaciel Zelaia plazan.

■ Segura

- **'Artzainak'** diapositiba emanaldia izango da Gema Arrugaetaren eskutik Herriko Plazan 22:15etan. Eguraldi txarra egiten badu Kultur Etxean izango da ordu berean.